

沈氏尊生書卷八

傷寒論綱目

沈金鑠輯

陽明經

陽明經脈

綱仲景曰傷寒三日陽明脈大

曰朱肱曰足陽明胃之經從鼻起挾於鼻絡於目下分爲四道并正別

脈六道上下行腹。綱維於身。蓋諸陽在表。陽明主肌肉。絡於鼻。故病人身熱目疼。鼻乾不得臥。其脈尺寸俱長者。知陽明經受病也。戴元禮曰脈大者兩陽合明。內外皆陽之象也。陽明受病之初。病爲在表。脈但浮而未大。與太陽同。故亦有麻黃桂枝證也。至二日惡寒自止而反惡熱。三日熱大盛。故脈亦應其象而洪大。此爲胃家實之正脈。若小而不大。便屬少陽。內經云陽明之至短而濇。此指秋金司令之時脈言也。又曰陽明脈象大浮也。此指兩陽合明之病脈言也。喻昌曰傷寒一日太陽。二日陽明。三日少陽。乃傳經之次第。其實不以日拘。此三日陽明脈大正見。二日之陽明傳自太陽。必無乎浮。緊浮緩未定。是正陽陽明也。若正陽陽明氣血俱多。其脈必大。而與太陽別矣。言外見三日證連少陽。則其脈必大而弦。又不得爲正陽陽明也。魏荔彤曰陽明之爲病胃家實。何以驗之。驗之於脈。如其人

本太陽傷寒三日之久。表邪不解。致變熱傳裏。入陽明。成胃家實。則其脈浮。緊浮緩者。忽變為大。浮與緊緩俱不見矣。既不浮。則沉可知也。既云大。則沉而兼滑。又可知也。向者太陽之浮。候於寸者。既多。今者陽明之沉。候於關者。必多也。關脈大而沉滑。恰是中脘為病。則胃家之實可決也。

綱仲景曰。脈浮而大。心下反鞮。有熱屬臟者。攻之。不令發汗。屬腑者。不令洩數。洩數則大便鞮。汗多則熱愈。汗少則便難。脈遲尚未可攻。以上論胃實

曰柯琴曰。此治陽明之大法也。夫脈之浮而緊。浮而緩。浮而數。

浮而遲者。皆不可攻而可汗。此浮而反不可汗而可攻者。以陽明三日之脈。當知大為病進。不可拘浮為在表也。又曰。脈遲尚未可攻者。以證有虛實。脈有真假。假令脈遲。便非臟實。是浮大皆為虛證矣。特為妄攻其實者。禁也。朱肱曰。問傷寒何以須診衝陽脈。答曰。衝陽脈是足陽明胃之經。人受氣於穀。穀入於胃。乃傳與五臟六腑。臟腑皆受氣於胃。其清者為營。濁者為衛。營行脈中。衛行脈外。陰陽相貫。如環無端。胃為水穀之海。主稟四時。皆以胃氣為本。是謂四時之變病。死生之要會。故傷寒必診衝陽。以察其胃之有無也。衝陽二穴。一名會源。在足跗上五寸。骨間動脈上。去陷骨三寸。

綱仲景曰。陽脈微而汗出少者。為自和也。汗出多者。為太過。陽脈實。因汗出多者。亦為太過。太過為陽實。於裏亡津液。大便因鞮也。曰危亦材曰。此雖指太陽轉屬。然陽明表證亦有之。

綱仲景曰。太陽病。寸緩關浮尺弱。其人發汗出。復惡寒。不嘔。但心下痞者。此以醫下之也。如不下者。病人不惡寒而渴者。此轉屬陽明也。小便數者。大便必鞭。不大便十日無所苦也。渴欲飲水。少少與之。但以法救之。宜五苓散。傷寒脈浮緩。手足自溫者。繫在太陰。太陰者。身當發黃。若小便自利者。不能發黃。至七八日大便鞭者。爲陽明病也。以上論他經轉屬 曰柯琴曰。上條病機在渴欲飲水。利水是胃家實而脈弱之正治。不用猪苓湯而用五苓散者。以表熱未除故耳。此爲太陽陽明之併病。下條病機在小便。太陰受病。轉屬陽明。以陽明爲燥土。故非經絡表裏相關所致。總因亡津液而致也。

綱仲景曰。問曰。脈有陽結陰結。何以別之。答曰。其脈浮而數。能食。不大便者。此爲實。名曰陽結也。期于七日當劇。其脈沉而遲。不能食。身體重。大便反鞭。名曰陰結也。期十四日當劇。以上論陰陽結證 曰張雲岐曰。此

條本爲陰結發論。陽結卽是胃實。爲陰結作伴耳。陰結無表證。當屬之少陰。不可以身重不能食爲陽明。應有之證。沉遲爲陽明當見之脈。便鞭爲胃家實。而不敢用溫補也。

綱仲景曰。陽明病。脈遲汗出多。微惡寒者。表未解也。可發汗。宜桂枝湯。陽明病。脈浮無汗而喘者。發汗則愈。宜麻黃湯。陽明病。脈浮而緊者。必潮熱。發作有時。但浮者。必盜汗出。脈浮而遲。面熱赤而戰惕者。六七日當汗出而解。遲爲無陽。不能作汗。其身爲瘥也。 曰魏荔彤曰。太陽中風傷寒。解肌肌不盡解。

發汗汗不盡出外邪氣變熱內正陽生熱陰燥陽絕太陽病已轉屬陽明矣然病有已入陽明而未離太陽者則中風傷寒二條尚在表而未盡除也豈可遽舍太陽表治而從陽明裏治乎故仲師特舉此首條二條以立法也蓋此乃太陽陽明之證入陽明未深故令其邪仍自表出不致歸於胃而無所復傳是解肌發汗二法始終井井者也三條乃陽明病仍帶太陽深恐陽明病去太陽漸遠而成陽明漸多非就脈證以明之不審也脈浮緊由太陽傷寒而成爲寒傷營而致成陽明之脈證者脈但浮由太陽中風而成爲風傷衛而致成陽明之脈證者陽明病至此已將離太陽八九矣而尙有一二太陽在主治者猶當以下之太早爲戒而防結胸與痞也四條乃陽明之虛脈虛證也汗者陽氣遲者陰脈無陽不能作汗又當助陽發汗者也

綱仲景曰脈浮發熱口乾鼻燥能食者則衄以上論陽明在表證

同裏全善曰此條主治宜桃仁承氣湯犀角地

黃湯之類也

綱仲景曰傷寒四五日脈沉而喘滿沉爲在裏而反發其汗津液越出大便爲難表虛裏實久則譫語發汗多若重發汗者亡其陽譫語脈短者死脈自和者不死以上論陽明裏證

同朱搗曰表虛裏實譫語之由

也譫語脈短譫語之脈也汗多則津脫營虛故脈短若津雖脫而不甚脫營雖虛而不甚虛則脈自和

綱目景曰陽明中風口苦咽乾腹滿微喘發熱惡寒脈浮而緊若下之則腹滿小便難也。按脈浮而緊潮熱有時之候。此爲陽明初病在裏之表也。

綱目仲景曰陽明中風脈弦浮大而短氣腹部滿脇下及心痛久按之氣不通鼻乾不得汗嗜臥一身及面目悉黃小便難有潮熱時時噦耳前後腫刺之小差外不解病過十日脈弦緊者與小柴胡湯脈但浮無餘證者與麻黃湯若不尿腹滿加噦者不治。以上論陽明中風 綱目朱肱曰問十二經皆一而陽明有三何也有

太陽陽明有少陽陽明有正陽陽明也。太陽陽明者本太陽病若發汗若下若利小便此亡津液胃中乾燥因轉屬陽明也。少陽陽明者本傳到少陽因發汗利小便已胃中燥實大便難也。正陽陽明者病人太風盛氣實也。三陽明俱宜下。惟惡寒及中寒爲病在經與太陽合病屬表可發其汗。蓋太陽與陽明合病脈必浮大而長證必頭疼腰痛肌熱目痛鼻乾也。脈浮大者太陽也長者陽明也。頭疼腰痛者太陽也。肌熱目痛鼻乾者陽明也。尙惡寒者可升麻湯汗之。若不惡寒反惡熱大便不祕者可白虎湯解利之不惡寒反惡熱大便祕或譫語者屬胃家實也可調胃承氣湯下之。身熱汗出蒸蒸然者屬陽明也。張介賓曰太陽陽明者邪自太陽傳入於胃其名牌約以其小便數大便鞭也正陽陽明者邪自陽明本經傳入於腑而邪實於胃也。少陽陽明者邪自少陽傳入於胃也。胃本屬土爲萬物所歸邪

入於胃。則無所復傳。鬱而爲熱。此由耗亡津液。胃中乾燥。或三陽熱邪不解。自經而腑。熱結所成。故邪入陽明胃府者。謂之實邪。土氣爲邪。王於申未。所以日晡潮熱者。屬陽明也。論曰。潮熱者。實也。是爲可下之證。然雖可下。若脈浮而緊。或小便難。大便溏。身熱無汗。此熱邪未全入腑。猶屬表證。仍當和解。若邪熱在表。而妄攻之。則禍不旋踵。

綱仲景曰。陽明病。脈遲腹滿。食難用飽。飽則微煩。頭眩。必小便難。此欲作穀疸。雖下之。腹滿如故。所以然者。脈遲故也。目熬按陽明中風。其脈則浮而弦大。今脈則遲。是中寒。且無陽矣。

綱仲景曰。傷寒脈遲。六七日而反與黃芩湯。撤其熱。脈遲爲寒。今與黃芩湯復除其熱。腹中虛冷。當不能食。今反能食。此名除中。必死。若脈遲。至六七日不欲食。此爲晚發。水停中故也。爲未解。食自可者。爲欲解。以上論陽明中寒目陳士鐸曰。傷寒脈遲。自然是寒。誤與黃芩湯。則益加寒矣。寒盛宜不能食。今反能食。病

名除中。仲景謂是死證者何也。夫能食是胃氣有餘。如何反曰死證。不知胃寒而加之寒藥。反致能食者。此胃氣欲絕。轉見假食之象。不過一時能食。病名除中者。正言胃中之氣除去而不可留也。雖是死證。猶有生機。終以其能食。胃氣將除而未除。可用藥以留其胃氣也。方用加減參苓湯。王履曰。凡言陽明病者。必身熱汗出。不惡寒反惡熱也。今但言傷寒。則惡寒可知。非不惡寒者也。況脈遲爲無陽。必

其裏寒特甚。

綱仲景曰陽明病脈浮而緊咽燥口苦腹滿而喘發熱汗出不惡寒反惡熱身重若發汗則躁心憤憤而譫語若加燒針心怵惕煩躁不得眠若下之則胃中空虛客氣動膈心中懊憹舌上胎者梔子豉湯主之若脈浮發熱渴欲飲水小便不利者猪苓湯主之。綱吳綬曰細繹脈浮而緊一條乃陽明半表裏證也邪已入腹不在營衛之間脈雖浮不得以為在表而發汗脈雖緊不得以其身重而加溫針胃家初實尚未燥硬不得以其喘滿惡熱而攻下。陽明梔子豉湯猶太陽桂枝湯既可驅邪亦可攻誤。虞墀曰上條是不肯令胃燥下條是不肯令水浸入胃總為胃家惜津液也。

綱仲景曰病如桂枝證頭不痛項不强寸脈微浮胸中痞鞭氣上沖咽喉不得息者此為胸有寒也當吐之宜瓜蒂散。綱按寸脈微浮尚是陽明之表脈用瓜蒂散即是陽明之表劑。

綱仲景曰病人手足厥冷脈乍緊者邪結在胸中心下滿而煩饑不能食者病在胸中當吐之宜瓜蒂散。綱按緊本為寒今言乍緊者正與厥應不厥時未必緊是寒結胸中之脈證也。

綱仲景曰太陽病當惡寒發熱今自汗出不惡寒發熱關上脈細數者以醫吐之過也此為小逆一二日吐之者腹中饑口不能食三四日吐之者不喜糜粥欲食冷食朝食暮吐以醫吐之所致也。綱柯琴曰

言太陽病頭項強痛可知以脈辨之關上者陽明之脈細弦數而不洪大雖自汗而不惡熱則不是與陽明併病不口乾煩滿而自汗出自不與少陰兩感原其故乃庸醫妄吐所致則自汗爲表虛脈細數爲裏熱也

綱仲景曰傷寒脈浮發熱無汗其表不解者不可與白虎湯渴欲飲水無表證者白虎加人參湯主之服桂枝湯大汗出煩渴不解脈洪大者白虎加人參湯主之
目黃仲理曰此二條必合看乃得蓋前條證也後條脈也脈浮發熱無汗本麻黃證尙存卽是表不解更兼渴欲飲水又是熱入於裏此謂有表裏證當用五苓散

綱仲景曰三陽合病脈浮大在關上但欲睡眠合目則汗
目程郊蓀曰脈而浮大陽脈也關上陽所治是爲重陽矣與少陰脈沉細而但欲寐者自異

綱仲景曰傷寒脈浮滑此表有熱裏有邪白虎湯主之傷寒脈滑而厥者裏有熱也白虎湯主之

目柯琴曰此條論脈而不及證因有白虎證而推及其脈也切勿據脈而不審其證脈浮而滑爲陽陽主熱內經云脈緩而滑曰熱中是浮爲在表滑爲在裏此雖表裏並言而重在裏熱所謂結熱在裏表裏俱熱者也脈微而厥爲寒厥脈滑而厥爲熱厥陽極似陰之證全憑脈以辨之

綱仲景曰傷寒十三日不解。過經譴語者。以有熱故也。當以湯下之。若小便利者。大便當硬。而反下利。脈調和者。知醫以丸藥下之。非其治也。若自下利者。脈當微。今反和者。此爲內實也。調胃承氣湯主之。 三
張雲岐曰。脈調和而不微。是脈有胃氣也。內實者。胃實也。胃實則腸虛。故必以調胃承氣湯調其胃也。
綱仲景曰。陽明病。脈遲。微汗出。不惡寒者。其身必重。短氣。腹滿而喘。有潮熱者。此外欲解。可攻裏也。手足
濇然而汗出者。此大便已鞭也。大承氣湯主之。若汗多。微發熱。惡寒者。外未解也。其熱不潮。未可與承氣
湯。若腹大滿不通者。可與小承氣湯。微和胃氣。勿令大泄下。 四
方中行曰。脈遲汗出等八證。乃陽明之
外邪欲解。可以攻裏。而不爲大誤也。然曰欲解。曰可攻。不過用小承氣調胃承氣法耳。必手足濇然汗
出。方可驗胃實便鞭。外邪盡解。而當從大承氣急下之法也。甲戌間獨熱。餘時不熱者。爲潮熱。若汗
出微發熱惡寒。是陽明證尙兼太陽。縱腹大滿。胃終不實。只可微和胃氣。以從權而已。

綱仲景曰。陽明病。譴語。發潮熱。脈滑而疾者。小承氣湯主之。因與承氣湯一升。腹中轉失氣者。更服一升。
若不轉失氣者。勿更與之。明日不大便。脈反微澀者。裏虛也。爲難治。不可更與承氣湯也。 四
柯琴曰。脈
滑而疾。有宿食也。明日仍不大便。脈反微澀。微則無陽。澀則少血。此爲裏虛。故陽證反見陰脈也。然胃
家未實。陰脈尙多。故脈遲脈弱者。始可和而久可下。陽脈而變爲陰脈者。不惟不可下。更不可和。脈滑

者生。脈澀者死。故爲難治。然滑有不同。又當詳明。夫脈弱而滑。是有胃氣。此脈來滑疾。是失其常度。重陽必陰。仲景早有成見。故少與小承氣試之。若據譴語潮熱而與大承氣。陰盛已亡矣。此脈證之假有餘。小試之而卽見真不足。憑脈辨證。可不慎哉。

綱仲景曰。傷寒若吐若下後不解。不大便五六日上至十餘日。日晡所發潮熱。不惡寒。獨語如見鬼狀。若劇者。發則不識人。循衣摸床。惕而不安。微喘直視。脈弦者生。澀者死。微者但發熱譴語。大承氣湯主之。若一服利止後服。目張無善曰。此本壞病也。但不可不辨其微劇。微者是邪氣實。當以下解。一服利者止後服。只攻其實。毋乘其虛也。劇者邪正交爭也。當以脈斷其虛實。弦者是邪氣實。不失爲下證。故生澀者是正氣虛。不可更下。故死。

綱仲景曰。脈滑而數者。有宿食也。當下之。宜大承氣湯。目襲信曰。數爲在府。故滑爲有食。數以至數言。是本來面目。疾以體狀言。在譴語潮熱時見。故爲失度。

綱仲景曰。病人煩熱。汗出則解。又如瘧狀。日晡所發熱者。屬陽明也。脈實者。宜下之。與承氣湯。目柯琴曰。煩熱自汗。似桂枝證。寒熱如瘧。似柴胡證。然日晡潮熱。則屬陽明。而脈已沉實。確爲可下。是承氣主證。主脈也。

綱仲景曰得病二三日脈弱無太陽柴胡證煩躁心下鞭至四五日雖能食以小承氣少與微和之令少安至六日與承氣湯一升若不大便六七日小便少者雖不能食但初頭硬後必溏未定成硬攻之必溏須小便利屎定硬乃可攻之宜大承氣湯 綱王肯堂曰二三日尙在三陽之界脈弱者無陽故也無陽者無太陽桂枝證無少陽柴胡證也如是則病不在表而陽邪入陰病在陽明之裏也七日後乃可攻者以脈弱是太陽中風能食是陽明中風以此爲風也

潮熱譫狂

綱仲景曰傷寒若吐若下後不解不大便五六日上至十餘日日晡所發潮熱不惡寒獨語如見鬼狀若劇者發則不識人循衣摸床惕而不安微喘直視脈弦者生瀉者死微者但發熱譫語大承氣湯主之若一服利止後服 綱朱肱曰脈弦者陽也瀉者陰也陽證見陰脈者死病人有陽證而脈澀者慎不可下下證悉具服湯已更衣者止後服不爾方盡劑服之下後慎勿中服補藥孫真人云服大承氣湯得利差慎不中服補藥也熱氣得補復盛更復下之是重困也宜消息安養之 仲景有宜下者有微和其胃氣者蓋傷寒裏證須看熱氣淺深故仲景有宜下之如大承氣湯小承氣湯十棗湯大柴胡湯是也有微和其胃氣如調胃承氣湯脾約丸小承氣微和之之類是也金匱云虛者十補勿一瀉強實者瀉

之虛實等者。瀉勿大瀉之。故叔和序傷寒有承氣之戒。又問轉藥孰緊。答曰。大承氣最緊。小承氣次之。調胃承氣又次之。大柴胡又次之。仲景治法。蕩滌熱積。皆用湯液。不得用丸子。不可不知也。大柴胡加大黃。小柴胡加芒硝。方爲轉藥。蓋爲病輕者設也。按潮熱譫狂俱見。證之極重者矣。聞仲景陽明證論中。有單言潮熱者。有單言譫語者。有單言發狂者。此條乃獨舉潮熱譫狂而備言之。明乎其證之重。且憑脈以決其生死也。大約病至此。其脈必弦者少。而澀者多。故弦者生。句輕看。專重在澀者死。句欲醫者于此急審其脈。或猶見弦象。則猶有下之一法以救之。不然可勿藥也。仲景特提此條以爲世告余。亦因獨摘此條另立一款。不雜入單言潮熱。單言譫語。單言發狂。款中也。

潮熱

綱仲景曰。陽明病。脈浮而緊者。必潮熱。發作有時。但浮者必盜汗出。曰劉完素曰。潮熱屬陽明。必於日晡時發者。乃爲潮熱。若日三五發者。則是發熱。非潮熱也。王好古曰。脈浮而緊。是惡寒將自罷。將發潮熱時之脈也。此緊反入裏之謂。不得拘緊。則爲寒之說。

綱仲景曰。陽明中風。脈弦浮大而短氣。腹部滿。脇下及心痛。久按之氣不通。鼻乾不得汗。嗜臥。一身及面目悉黃。小便難。有潮熱。時時噦。耳前後腫。刺之小差。外不解。病過十日。脈弦浮者。與小柴胡湯。脈但浮無

餘證者與麻黃湯若不尿腹滿加噦者難治。

按本條不言發熱但曰有潮熱是明兼少陽矣故可

與小柴胡湯

綱仲景曰陽明病脈遲微汗出不惡寒者其身必重短氣腹滿而喘有潮熱者此外欲解可攻裏也手足濇然而汗出此大便已鞅也大承氣湯主之若汗多微發熱惡寒者外未解也其熱不潮未可與承氣湯若腹大滿不通者可與小承氣微和胃氣勿令大洩下陽明病潮熱大便硬者可與大承氣湯不硬者不可與之若不大便六七日恐有燥屎欲知之法少與小承氣湯湯入腹中轉失氣者此有燥屎乃可攻之若不轉失氣者此但初頭硬後必溏不可攻之攻之必脹滿不能食也欲飲水者與水則噦其後發熱者必大便硬而少也以小承氣湯和之不轉失氣者慎不可攻也

綱朱肱曰潮熱者大率當下仲景云潮熱者實也大承氣湯證云其熱不潮未可與也則知潮熱當下無疑矣雖然更看脈與外證脈若弦若浮及外證惡寒猶有表證且與小柴胡湯以解之若腹大滿不通者可與小承氣微和其胃氣勿令大洩縱使潮熱當行大承氣亦須先少與小承氣若不轉失氣不可攻之後發熱便鞅者大柴胡湯下之若胸脇滿而嘔日晡發潮熱者小柴胡加芒硝又有日晡發潮熱已有微利者又有微發潮熱而大便溏者或潮熱而欬逆者皆當用小柴胡也

冬陽明潮熱當行黃芩湯陽明病俱宜下惟惡

寒中寒。爲病在經。與太陽合病屬表。發其汗耳。若吐若下後七八日不解。熱結在裏。表裏俱熱。時時惡寒者。白虎證也。柯琴曰。胃實諸證。以手足汗出爲可據。而潮熱尤爲親切。以四肢爲諸陽之本。而日晡潮熱爲陽明主時也。後條必因脈之遲弱。卽潮熱尙不足據。故又立試法。以小承氣湯爲和。卽以小承氣湯爲試。仍與小承氣湯爲和。總是慎用大承氣耳。

綱仲景曰。傷寒若吐若下後不解。不大便五六日。上至十餘日。日晡所發潮熱。不惡寒。獨語如見鬼狀。若劇者。發則不識人。循衣摸床。惕而不安。微喘直視。脈弦者生。濇者死。微者但發熱譫語。大承氣湯主之。若一服利止後服。目按此潮熱而又不大便。不惡寒。俱是可下證也。

綱仲景曰。陽明病。譫語有潮熱。反不能食者。胃中必有燥屎五六枚也。若能食者。但硬耳。宜大承氣湯。綱魏荔彤曰。能食不能食二者。俱知津必立枯。屎必盡燥。日久愈耗液傷正。自宜大承氣湯。此於不能食而辨其已有燥屎。於能食而辨其將來必有燥屎。俱宜攻下也。他條言雖能食。雖不能食。俱應斟酌。不可大爲攻下。此條又言反不能食者。若能食者。俱應直捷而大爲攻下。非自體認。能得仲師之心。從孰問津乎。凡傷寒論中。仲師既恐人不應下而下。又恐人應當下而下之太早太甚。今且恐人應下而不下。或不敢大下。故就燥屎以示之。令人既知詳慎。又忌遲疑。中庸所以不易能也夫。

綱仲景曰二陽併病太陽證罷但發潮熱手足濇濇汗出大便難而譫語者下之則愈宜大承氣湯方中行曰太陽證罷分明全屬陽明首必先言二陽併病者見未下時便有可下之證見得太陽一罷其餘皆可下之證矣

綱仲景曰陽明病譫語發潮熱脈滑而疾者小承氣主之因與承氣湯一升腹中轉失氣者更服一升若不轉失氣者勿更與之明日不大便脈反微澀者裏證也爲難治不可更與承氣也目魏荔彤曰脈滑而疾滑者大之漸而疾者數之稱病由太陽轉屬陽明必在表之邪變熱入裏脈之浮者必變大其緊與緩者必俱變疾疾數也數熱也非變熱入裏無以致成陽明也凡病邪入經脈必變緊緩爲數病邪入腑脈又易數疾稍遲

熱入血室

綱仲景曰陽明病下血譫語者此爲熱入血室但頭汗出者刺期門隨其實而瀉之濇然汗出則愈成無己曰此熱入血室蓋言男子不止謂婦人也室者可停止之處血室者榮血停止之所經脈皆會之處卽衝脈也起於腎下出於氣衝並足陽明經挾臍上行至胸中而散爲十二經脈之海王冰曰衝爲血海言諸經之血朝會於此男子則運行生精女子則上爲乳汁下爲月水內經曰任脈通衝脈

盛月事以時下者是也。王冰又曰：陰靜海滿而去血，謂衝脈盛爲血海也。卽是觀之，衝爲血室可知矣。傷寒之邪，婦人則隨經而入，男子由陽明而傳，以衝之脈與少陰之絡起於腎，女子邪感太陽，隨經便得入衝之經，並足陽明，男子陽明內熱，方得而入也。衝之得熱，血必妄行。在男子則下血，譫語；在女子則月事適來適斷，皆以經氣所虛，宮室不關，邪得乘虛而入。針經曰：邪氣不得其虛，不能獨傷人者是矣。柯琴曰：血室者肝也，肝爲藏血之臟，故稱血室。女以血用事，故下血之病最多。若男子非損傷，則無下血之病。惟陽明主血所生病，其經多血多氣，行身之前，隣於衝任陽明，熱甚侵及血室，血室不藏，溢出前陰，故男女俱有是證，必刺肝之募。卽期門穴引血上歸經絡，推陳致新，使熱有所洩，則肝得所藏，血不妄行矣。按蓄血便膿血，總是熱入血室，入於腸胃，從肛門而下者，爲便膿血。蓋女子經血出自子戶，與溺道不同門。男子精血溺三物，內異道而外同門，精道由腎，血道由肝，溺道由膀胱，其源各別，而皆出自前陰也。熬按肝藏血，腎生血，心主血，脾統血，而其源則匯於衝，衝起腎下，與腎貼近，血之由衝而出者，卽如由腎而生，故曰腎生血，言腎所生以衝卽在腎下也。由是上行至脾，脾之爲地寬廣，故得而統之。再上行至肝，爲營氣凝聚之處，一身之血皆歸焉，故曰藏也。心爲君主，血脈皆朝宗而聽命，故曰主也。然則血室之說，成民主衝，柯民主肝，二說雖異，其實則同。主衝者就其源頭處言，主肝者就